

Եփրեմ վարդապետի ժամանակ 294 (= 1348) թուականին Սարգիս ? որդի Սմբատայ եւ թոռն Լիւ պարտի տէր Փանծաթաղին նուիրում է «ի մեր հաւլալ հայրէնեաց որ ի Փանծաթաղին զՄազմանենց եւ զԱւանշահեց էզին» եւ ստանում Աստուածածնի սօնին վեց պատարագ (Ա. 162, պատկ. 189): Փանծաթաղ կամ Փոնծաթաղ անունով վայրի մասին խօսել ենք առաջ (*), որ ներկայ Բեշիշքեանդի մօտն էր, իսկ նուիրատուն Օրբէլեանց տոհմից. ոչ հեռու այդտեղից՝ Վարդանի բերդը՝ սեպհականութիւն էր Չեսար Օրբէլեանի. այս սարգիսն էլ նորա մերձաւորներից մէկն էր, որի մասին մեզ անյայտ աղբյւրից տեղեկութիւն ունի եւ Ալիշան, որ զրեւ է Օրբէլեանց ճիւղազրուծեան մէջ (**): Պէտք է ասել, նուիրատուի անունը շատ ազօտ է արձանագրութեան մէջ, ուստի և կարգացուած է Ջալալեանի կողմից «ես Բենարիտի Մամա թոռն», Բաջբերունին՝ «Բենարդի», Ալիշան՝ «Բենա», Ouvar. Mat. XIII. խառնած է բոլորովին և դուրս է եկել «ես Պետրոս որդի Աբրահամ թոռն». մենք էլ (Պաղբ. Ա. 41) կարգացել ենք «Կենա»: Բայց լուսանկարը երկար և ուշադրութեամբ քննելուց յետոյ, պարզուեց, որ պէտք է լինի «եսարգիս որդի Սմբատա թոռն» ևն.: Այս Սմբատն էլ Պաղբակեանների Սպիտակաւոր Աստուածածնին նուիրել է Վախտանգենց այգին 229 թուականին, որից մակարերել կարելի է, որ նրանք խնամութեամբ կապուած էին իրար հետ. այդպիսի երեւոյթ նկատուում է իշխանական տոհմերի արձանագրութիւնների մէջ (***):

ԺԴ. դարի քառասնական կամ յիսնական թուականների սկզբին պիտի նշանակել Ամիր-Հասանի թուռը և էաչիի որդի Ջոււմայի և նորա կնոջ Սոնդդի արձանագրութիւնը, եկեղեցու ներսը՝ արեւմտեան պատի վերայ՝ դրան մօտ (Յաւել. Ա. 27, պատկ. 92), որոնց մասին խօսել ենք արդէն:

Տաճարի պատերին մնացած արձանագրութիւններն անթուական են և չեն կապուած պատմական անձանց անուան հետ, որով կարելի լինէր ժամանակները որոշել. յամենայն դէպս նրանք ԺԴ. դարի կեսերից վաղ են: Այսպէս Թէիկ ոմն և ոչ Թեկղի, ինչպէս տալիս են Ջալալեան (Բ. 210), Ալիշան (122), Ouvar. (129), որ ստուգուած է մեր կողմից տեղում և կրկին անգամ լուսանկարի վերայ, միաբանում է ընծաներով և երկու ժամ ստանում (Ա. 163, պատկ.

186): Արձանագրութիւնը գտնուում է հարաւային պատին արեւելեան կողմը:

Նոյն պատին բաժակից ջուր խմող երկու սիրամարգների քանդակի տակ, Սեթարը քսան դահեկան է տուել և մի օր ժամ ստացել «Նավայսարին» (Յաւել. Ա. 164, պատկ. 190): Սորա տակը՝ Պետրոս զանգակի ծախս է տալիս և երկու ժամ ստանում (Ա. 165). զանգակի զինը պիտի լինէր ոչ աւելի քան քառասունից յիսուն դահեկան, որովհետեւ սովորաբար իւրաքանչիւր ժամի համար նուէր է տրուում այս ժամանակները քսան կամ քսան և հինգ դահեկան:

Նոյն պատին աղաւնի յոշոտող բազէի քանդակի տակ Արեւարը միաբանում է, քսան դահեկան տալով և մի ժամ ստանում Պաչգիւտին (պատկ. 190, Յաւել. Ա. 166):

Արեւելեան պատին «Բուբայիս թոռնս Սամադաւլին» եւ (թէ և ?) «Սարգիս», տալիս է Ջարինայ «վարի» հողը «նացան» հայրենիք, «նաքան տվին զԱյանութե.» հինգ օր ինը խորանում (Ա. 167, պատկ. 189): Պարզ չէ, թէ սրանք տարբեր անձնաւորութիւններ են, ուրեմն, առաջնի արձանագրութիւնը կիսատ մնացած և շարունակութեան վերայ երկրորդի՞ն սկսած, թէ երկանուն մի անձնաւորութիւն է: Ուշադրութեան արժանի լեզուաբանական բարբառազխտութեան տեսակետով չակերտների մէջ առնուած ձեւերը, որ յատուկ են Ն. Նախիջևանի բարբառին: Արձանագրութիւնը գտնուում է Ուքանի և Լիպարտի թոռ Սմբատայ որդի Սարգսի արձանագրութիւնների գլխին, որ ԺԴ. դարի առաջին յիսնամեակի գործ համարեցինք. այս էլ մօտաւորապէս նոյն ժամանակի գործ ենք ընդունում հնագրական նշաններից դատելով:

Արեւմտեան դրան աջ կողմից շինութեան արձանագրութեան տակ Բաւրինայի արձանագրութիւնն է, որ ընծայ է տալիս Ս. Ստեփանոսին և երկու օր պատարագ ստանում Ս. Պաչին (Ա. 168. պատկ. 185): Սորա տակն է մի շատ եղծուած արձանագրութիւն, որի ճիշդ ընթերցմանը վստահ չենք. ոմն Նաւորդ ? Պաթուն և ամուսինը Սախոթիս թէ Վախոթիս և Մուրադ փաշէս տալիս են իրենց գնած էզին (Ա. 169):

Տաճարի ներսը, դրնից դէպի հարաւ, ոմն Աւսուլիտ քառասուն դեկան է տալիս եւ երկու ժամ ստանում Ս. Սարգսին (Յաւել. Ա. 70). Ջալալեան, Բաջբերունի, Ալիշան և Ouvar. նուիրատուի անունը կարգում են «Աւագ սուլիմա», բայց իրարից արտազրելով: Մի ուրիշ փոքր արձանագրութիւն էլ ունինք հիւսիսային կամ աջ աւանդատան պատին, երկու խաչերի կողքին, Ամիր շահի (Ա. 154) արձանագրութիւնից բարձր, Պետրոսի և իւր ծնողաց յիշատակին (Ա. 171). պէտք է ենթադրել շինութեան ժամանակից. տեղից դատելով աւանդատան հետ կապուած:

Մի շարք թուականով խաչքարեր ևս ունինք վանքի այլ և այլ կողմերում. նոցանից երեքը (153ա-153գ), որ աւելի հին էին, քան ներկայ շէնքը, տե-

բեր տոհմի իշխանը, մանաւանդ աւագ իշխանը, որ պէտք է լինէր Ուքանը, թաղուէր մի այլ տոհմի վանքում: Բայց Շահուռնեցիք Օրբէլեանների սպարապետներն էին, նրանց արքունիքի հետ կապուած, ինչպէս այդ հաստատ գիտենք Ամադինի մասին վերեւ յիշած աւետարանի յիշատակարանից: Յախաց քարում թաղուած Ուքանը կարող է և մեր նուիրատուի նոյնանուն հօրեղբայրը լինել:

(*) Խաղբակեանք Ա., եր. 41:
 (**) Սիսական, եր. 192:
 (***) Խաղբակեանք Ա., եր. 209: